

Grantiau a chefnogaeth posib sydd ar gael i ddarparwyr gofal plant

Dyma ddolen oddi ar wefan Llywodraeth Cymru sy'n amlinellu'r gefnogaeth sydd ar gael i ddarparwyr gofal plant mewn perthynas â'r Coronafirws:

https://llyw.cymru/cefnogaeth-i-ddarparwyr-gofal-plant-coronafeirws?_ga=2.52668975.622716605.1585909545-213073147.1584967369

Amlinellwyd nifer o'r rhain isod. Rydym yn argymhell bod darparwyr yn ymweld â'r safle'n aml, gan ei fod yn cael ei ddiweddarau'n rheolaidd.

Grantiau

1. Cronfa Gwydnwch Economaidd (Llywodraeth Cymru – LIC)

Gall fusnesau elwa o gronfa argyfwng £400 miliwn bydd yn darparu:

- Grantiau hyd at £10,000 ar gyfer microfusnesau yn cyflogi hyd at naw o bobl, gan gynnwys masnachwyr unigol sy'n cyflogi staff. Bydd modd i fusnesau cymwys gwneud cais erbyn canol mis Ebrill. **Bydd angen iddynt fod wedi cofrestru ar gyfer TAW.**
- Grantiau hyd at £100,000 ar gyfer busnesau bach a chanolig eu maint yn cyflogi rhwng 10 - 249 o weithwyr. Bydd modd i fusnesau cymwys gwneud cais erbyn canol mis Ebrill. Bydd angen iddynt fod wedi cofrestru ar gyfer TAW.

Mae'r Llywodraeth wrthi'n mireinio'r broses gymhwyso ac ymgeisio, a byddant yn cael eu cyhoeddi'n fuan.

Anela'r Gronfa Gwydnwch Economaidd i lenwi bylchau a gadewir gan gynlluniau cefnogi sydd eisoes wedi eu cyhoeddi gan Lywodraeth y DU, gan gynnwys y [Cynllun Cadw Swyddi](#) a'r [Cynllun Cefnogaeth Incwm i'r Hunangyflogedig](#) fydd yn gwarantu 80% o gyflogau ac incwm pobl. <https://smallbusiness.co.uk/wales-announces-500m-economic-resilience-fund-2550064/>

Gall ddarparwyr gofal plant ymgeisio?

Dydy'r meini prawf cymhwysedd heb eu rhyddhau eto. Mae'n addawol ei fod yn cael ei ddangos ar wefan Llywodraeth Cymru o dan y pennawd 'cefnogaeth ar gael i ddarparwyr gofal plant'. Nid oes gennym unrhyw wybodaeth bellach ar hyn o bryd.

2. Grantiau Busnes Llywodraeth Cymru (LIC)

Mae Llywodraeth Cymru wedi datgan bydd yna becyn cefnogaeth gwerth £1.4 biliwn i'r holl fusnesau sydd ar y rhestr trethi busnes, bydd yn darparu gostyngiad trethi busnes yn ogystal â grantiau busnes.

Mae yna ddwy ran i'r Grant Busnes.

Grant 1: Bydd grant o £25,000 yn cael ei gynnig i fusnesau manwerthu, hamdden a lletygarwch yng Nghymru sydd â gwerth ardrethol rhwng £12,001 a £51,000.

Grant 2: I bob sector arall yng Nghymru bydd Llywodraeth Cymru hefyd yn darparu grant o £10,000 i bob busnes sy'n gymwys ar gyfer gostyngiad trethi busnesau bach sydd â gwerth ardrethol £12,000 neu lai.

Awdurdodau Lleol sy'n gweinyddu'r grantiau yma yng Nghymru. Am ragor o wybodaeth cliciwch [yma](#). Cyngor gan Busnes Cymru yw na ddylai sefydliadau ceisio ffonio'r Awdurdod Lleol. Mae'r wybodaeth angenrheidiol ar gael ar-lein, trwy glicio'r ddolen uchod.

Gall ddarparwyr gofal plant ymgeisio?

Grant 2 sy'n berthnasol i ddarparwyr gofal plant. Mae ar gael i'r rheini sy'n gymwys ar gyfer gostyngiad trethi busnesau bach sydd â gwerth ardrethol £12,000 neu lai.

Ein dealltwriaeth yw bydd ddarparwyr gofal plant cofrestredig yng Nghymru yn elwa o ostyngiad 100% o drethi busnes hyd at Fawrth 31ain 2022. Felly mae'n bosib y byddant yn gymwys i ymgeisio ar gyfer y grant hwn.

Gallwch ymgeisio drwy'r ddolen uchod. Bydd angen cyfeirnod eich cyfrif trethi busnes oddi ar fil treth busnes.

Rydym wedi cysylltu â Chyngor Ceredigion am eglurhad. Dylai ymateb y cyngor fod yn berthnasol i bob Awdurdod Lleol yng Nghymru.

3. Sefydliad Cymorth i Elusennau (Charities Aid Foundation) – Apêl y Coronafirws

<https://www.cafonline.org/charities/grantmaking/caf-coronavirus-emergency-fund>

“Yn ystod yr argyfwng cenedlaethol mae CAF wedi lansio Cronfa ymateb gyflym i helpu mudiadau elusennol bach sy'n dioddef o ganlyniad i Covid-19. Bydd grantiau o hyd at £10,000 yn cynorthwyo'r elusennau i barhau i ddarparu cefnogaeth angenrheidiol i gymunedau ar draws y DU. Ein bwriad yw bydd hwn yn gronfa ymateb gyflym, felly anelwn i wneud taliadau i'r mudiadau llwyddiannus o fewn 14 diwrnod. Rhagwelwn bydd y nifer o geisiadau'n uchel, ac yn anffodus mae'n annhebygol y byddem yn medru darparu grant i'r holl ymgeiswyr cymwys.”

Pwy all ymgeisio

Sefydliadau ag amcanion a gweithgarwch elusennol a oedd ganddynt incwm o £1 miliwn neu lai yn ystod y flwyddyn ariannol ddiwethaf, gan gynnwys:

- Elusennau Cofrestredig (a chofrestrwyd gyda'r Comisiwn Elusennol, Rheolydd Elusennol yr Alban, Comisiwn Elusennol Gogledd Iwerddon, neu fel y nodir yn Neddf Elusennau 2010)
- Sefydliadau wedi ei gofrestru gyda Tŷ'r Cwmnïau neu'r Gofrestr Gilyddol Gyhoeddus, neu fel endid elusennol neu nid-er-elw, e.e. Cwmnïau Budd Cyhoeddus, Cwmnïau Cyfyngedig Dan Warant, ac eraill.
- Endidau anghofrestredig a mentrau cymdeithasol

Gall darparwyr gofal plant ymgeisio?

Gallant, os ydynt yn cwrdd â'r meini prawf uchod; fodd bynnag mae'n debygol bydd y nifer o geisiadau'n uchel.

4. Cronfa Gymunedol y Loteri Genedlaethol

Bydd Cronfa Gymunedol y Loteri Genedlaethol yn defnyddio'r holl nawdd newydd a ddaw i'w choffrau dros y chwe mis nesaf at ddiben mynd i'r afael ag effeithiau'r pandemig coronafirws. Meddai'r dyfarnwr grantiau y byddai pob penderfyniad ynglŷn â nawdd dros y chwe mis nesaf - sy'n golygu symiau hyd at £300 miliwn – yn cael eu targedu at argyfwng y Coronafirws. Cyfyng yw'r wybodaeth sydd gennym ar hyn o bryd. Mae rhagor o wybodaeth ar gael ar ei gwefan:

<https://www.tnlcommunityfund.org.uk/welsh/about/coronavirus-updates>

5. Ymddiriedolaeth Elusennol Sylvia Adams (The Sylvia Adams Charitable Trust)

Bydd hyd at £5,000 ar gael i sefydliadau sy'n gweithio i wella cyfleoedd bywyd rhai o blant mwyaf difreintiedig Lloegr a Chymru.

Mae'r nawdd ar gael i:

- Elusennau sydd wedi eu cofrestru gyda Comisiwn Elusennau Lloegr a Chymru, a dangosodd eu cyfrifon archwiliedig incwm o **lai na £750,000**.

ac

- Elusennau sydd yn medru dangos bydd cynnydd yn y galw am eu gwasanaethau a/neu gallent ddangos gostyngiad yn yr incwm disgwylidig o ganlyniad i'r pandemig presennol.

Gallwch wneud ceisiadau rhwng Mawrth 16eg ac Ebrill 28ain 2020, a bydd y grantiau llwyddiannus yn cael eu dyrannu mor fuan â phosib ar ôl y dyddiad cau. Rhagor o wybodaeth: <http://sylvia-adams.org.uk/what-we-will-fund/>

6. Y Gogledd – Sefydliad Steve Morgan (North Wales – Steve Morgan Foundation)

Bydd £1miliwn ar gael pob wythnos am 12 wythnos i gefnogi elusennau yng Ngogledd Cymru, Swydd Gaer a Glannau Merswy. Mae ar gael i elusennau a chwmnïau nid-er-elw o fewn yr ardal dan sylw. Nod y nawdd yw cynorthwyo gyda chostau ychwanegol yn sgil darparu gwasanaethau argyfwng; i helpu pobl sy'n cael eu heffeithio gan y firws ac i helpu elusennau aros yn agored yn wyneb colled incwm. I ymgeisio, ewch i: <https://stevemorganfoundation.org.uk/>

Credwn fod y grantiau isod ar gael i ddarparwyr sy'n dal i fod ar agor yn unig, ac felly sy'n ddarparwyr gwasanaeth allweddol.

7. Sefydliad Cymunedol yng Nghymru (Community Foundation in Wales) – Cronfa Gwydnwch Coronafirws Cymru

Sefydlwyd y gronfa hon i gefnogi grwpiau a sefydliadau sy'n darparu gwasanaethau, ac i gynorthwyo unigolion a theuluoedd, yn unigol neu'n gyfunol, sydd wedi eu heffeithio gan y pandemig Coronafirws. Mae rhagor o wybodaeth a manylion ar sut i ymgeisio ar gael trwy'r ddolen isod:

<https://communityfoundationwales.org.uk/cy/grants/cronfa-gwydnwch-coronavirus-cymru/>

8. Grantiau Ymddiriedolaeth Elusennol Yapp (Yapp Charitable Trust)

Mae grantiau ar gael i helpu elusennau cofrestredig bach yn Lloegr a Chymru dalu costau rhedeg a chostau cyflog, ac felly i barhau gyda'u gwaith presennol. Gall elusennau sy'n mynd i'r afael ag effeithiau Covid-19 ymgeisio ar gyfer nawdd tuag at eu costau craidd. Rhagor o wybodaeth:

<https://yappcharitabletrust.org.uk/how-to-apply/>

9. Cronfa Gofal Integredig Cwm Taf Morgannwg - Grantiau i'r Trydydd Sector i gefnogi gwaith sy'n ymwneud â Covid-19

Mae grantiau hyd at £500 ar gael i unrhyw grŵp cymunedol / sefydliad (newydd neu eisoes yn bodoli) sy'n weithredol ym Merthyr Tydfil / RCT. Gallwch ymgeisio nawr trwy gysylltu â Sharon Richards: 01685 353932 a sharon.richards@vamt.net. Bydd angen i chi fedru disgrifio'r hyn bwriadwch wneud, a'r rheswm y mae angen grant arnoch chi. Nodwch os gwelwch yn dda bydd grantiau yn cael eu rhoi ar sail 'cyntaf i'r felin'.

<https://funding.cymru/admin/funds/1401>

(Mae'n rhaid i chi greu cyfrif, am ddim, er mwyn cael mynediad i'r wybodaeth sydd ar y linc yma)

10. Cronfa Gymunedol Clocaenog – Grant Ymateb i Covid-19

Bydd y Grant Ymateb i Covid-19 yn darparu nawdd o £100 hyd £5000 i grwpiau sy'n darparu cefnogaeth rheng-flaen. Am ragor o wybodaeth ac am ffurflen gais, ewch i: www.clocaenog.cymru / grants@cvsc.org.uk / 01492 523856

11. Covid-19: Ceredigion yn Cefnogi Gweithgarwch Cymunedol

Mae'r *Caring Communities Fast Track Fund* am gefnogi prosiectau newydd yng Ngheredigion bydd yn adeiladu ar gymhwysedd a gwydnwch cymunedau i gefnogi cymunedau i fynd i'r afael â'r pandemig Covid-19. Bydd y Cynllun yn ystyried ariannu hyd at 100% o gostau'r prosiect, hyd at uchafswm o £250. Rhaid cwblhau'r ffurflen gais gyda chefnogaeth Cysylltydd Cymunedol neu aelod o'r tîm CAVO. Danfonwch geisiadau a dogfennau cefnogol at teleri.davies@cavo.org.uk. Rhaid derbyn unrhyw ddogfennau cefnogol cyn i ni allu prosesu cais. Bydd CAVO yn prosesu ceisiadau o fewn 2 wythnos o'u derbyn.

<https://funding.cymru/funds/1393> (Mae'n rhaid i chi greu cyfrif, am ddim, er mwyn cael mynediad i'r wybodaeth sydd ar y linc yma)

Cefnogaeth Bellach

1. Cefnogaeth i fusnesau sy'n talu tâl salwch i weithwyr (CThEM)

Mae Llywodraeth y DU am ddwyn i'r blaen deddfwriaeth fydd yn galluogi cyflogwyr gyda llai na 250 o weithwyr i hawlio'n ôl Tâl Salwch Statudol a thelir i weithwyr sy'n sâl gyda Covid-19. Byddant yn destun meini prawf cymhwysedd. Bydd manylion ar sut i ymgeisio ar gael yn fuan.

2. Cynllun Cadw Swyddi Coronafirws (CThEM)

Bydd CThEM yn ad-dalu 80% o gostau cyflog gweithwyr sydd ar seibiant, hyd at £2,500 y mis i bob gweithiwr. Mae CThEM yn gweithio'n gyflym i sefydlu system ad-dalu gan nad yw systemau presennol wedi ei greu er mwyn hwyluso taliadau i gyflogwyr. Gwnewch gais i CThEM.

3. CThEM – Amser i Dalu (Time to Pay) (CThEM)

Mae CThEM wedi cynyddu ei gynnig 'Time to Pay' fel ei fod yn berthnasol i'r holl gwmnïau ac unigolion sydd â dyledion trethi ond sy'n profi anhawster ariannol dros dro o ganlyniad i Covid-19. Gwnewch gais i CThEM.

Mae CThEM wedi cadarnhau os yw'r sefyllfa bresennol yn cael effaith andwyol ar gyflogwyr, y bydd modd iddynt gytuno gyda CThEM i ohirio taliadau TWE (PAYE), neu i'w dalu mewn rhandaliadau. Bydd angen i gyflogwyr cysylltu ag adran TWE CThEM i drafod hwn. Fe all hwn helpu darparwyr gofal plant gyda phroblemau llif-arian tymor byr.